

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Meeqqat atuarfianni annerni aalisarnek piniarnerlu pillugit siunnersorneqartarnerat qanoq nukittorsarneqarsinnaanersoq iliuusissatut pilersaarummik Naalakkersuisut peqquneqarnissaannik Inatsisartut aalajangiiffigisassaattut siunnersuut, aalisarnermik ilinniartitaanermut sulisussarsiortarnerup annertusarneqarnissaa kiisalu Kalaallit Nunaata imarsiornerup iluani piginnaasaasa nukittorsarneqarnissaat siunertaralugu. Siunnersuut EM2026-imut tunniunneqassaaq.

(Inatsisartunut ilaasortaq Jens NapātôK', Naleraq)

Tunngavilersuut:

Kalaallit Nunaata aningaasaqarnera annertuumik aalisarnermik tunngaveqarpoq. Avammut nioqqutissiat 98%-iisa missaat aalisakkanik qalerualinnillu aallaaveqartarput. Tamanna isumaqarpoq aningaasarsiorniarneq, suliffissaqartitsineq isumannaallisaanerlu suliffissuarmut tassunga apeqqutaangaatsiartuusut.

Taamaattorli aalisarnermik ilinniarnissamut inuusuttunik naammattunik atorfinitsitsineq ajorpugut. Taamaallilluni umiarsuarni naalakkat aquttullu malunnartumik sulii nunanit allaneersuunerupput. Aningaasatigut nammineersinnaanek annertunerusoq aamma nuna tamakkerlugu piginnaanngorsaaneq kissaatigigutsigu, atuarfinni tunngaviusumik annertusaanikkut aallartittariaqarpugut.

Suliffeqarfitsinni pingaarnerpaani pingaarnertut suliaassat tigusinnaanngilagut, inuusuttut piginnaasaat aallaqqaammulli qaffassanngikkutsigit.

Aalisarnermut imaatigut inuusutissarsiornermullu siusissuklut aallarniinermi:

- Aalisarnek pillugu ilinniartitaanermut soqutiginninnerulernissaq
- Atoruminartumik atuartunut ilinniartitaanermut tunngatillugu ersarissumik suussutsimik pilersitsineq
- Sineriak tamakkerlugu piginnaanngorsaaneq nukittorsarneqassaaq
- Immap naqqani suliaasaqarfinni aqutsinermik nunani allani sulisussanik apeqqutaatitsineq annikillisinneqassaaq
- Aningaasarsiornikkut nammineersinnaanermi tapersiineq

Pingaartumik nunaqarfinni isorliunerusunilu, aalisarnek piniarnerlu ulluinnarni inuunermi pinngortitami ilaapput, atuartsineq nukittorsarneqartoq atuarfiup piviusullu akornanni ataqtigiinnermik pilersitsissaaq.



Siunnersuut piorsarsimassutsimut tunngassuteqaannanngilaq – aningaasarsiornikkut periusissiaq, suliffeqarfinnik ineriartortitsineq aamma nunami akisussaassuseqarneq pineqarput.

Kalaallit Nunaat aalisarnermit ingerlaannassappat inussutissarsiutinik ingerlatsinissamut, ineriartortitsinissamut aqutsinissamullu aamma piginnaasaqartariaqarpugut. Taamaattumik una siunnersuut inuusuttatsinnut, inuusutissarsiutitsinnut siunissamullu siumut aningaasaliineruvoq/inerisaaneruvoq.

Pisortanut aningaasatigut allaffissornikkullu kingunerisassat

Pilersaarummik piareersarneq nalinginnaasumik AC-mik sinniisumik ½-mik piffissaq tamakkerlugu nalinginnaasumik 250.000 koruuni
Nik aningaasartuuteqartitsissaaq.

Namminersorluni inuusutissarsiuteqarnermut aningaasatigut allaffissornikkullu kingunerisassat

Siunnersuut akuerineqassappat isumaqassaaq inuusuttut imaatigut suliassanik tigusinissamut piareersimanerusut kiisalu namminersortunut suliffeqarfinnut pitsaasumik sunniuteqarsinnaasut.

Innuttaasunut aningaasatigut allaffissornikkullu kingunerisassat

Siunnersuut akuerineqarpat inuusuttut amerlanerusut imaatigut suliaqarnissaminnut soqutigisaqarnerulernissaat pisinnaavoq.